

مرکز تۈزۈپ :
باب عالی جاده سنده (اتحاد
تجارت) كىتبخانهسى

آبونه بدلى :
سنه لىكى ۱۰۰ غروش
آلتى آيلنى ۵۰
مالك اجنبىه ايچىن ۲۵ غروش ضم
اولونغا ليدر .

آبونه قىدى معامله سى هر سته نك بونجى
وايك بى آلنى آيندىن اعتباراً اجرا اولونور

دېنى ، علمى ، ادبى ، اجتماعى

مخبر

۱۳۳۸

بجوه نىسالىمىتى

صاحبى ، مديرى ، محررى :

اداره خانه سى :
بايزيد جامع شريفك تربه قاپسى
قارشيسنده

اسلامك نفعنه خادى مقالات
مى التى شكر قبول ونشر اولونور
يازانك شخصيتى دكل ، يازىنك اهميتى
نظر دقتە آلىنىر .

كلن يازىلردن شايان قبول كورولنلر
تاسىخ صيراسيله درج ايدىلير .

كونده ريله جك آثار ، اوقونا قلى
ومختصرجه يازىلش اولماليدر .

فى : غروش

شوال

۱۳۴۲



جلد

۴

عدد

۴۸

(ابوالحسن جوهر بن عبدالله الصقلي) نك تحت قیادتنده مصر او زرينه سوق ایتدی. قاهره نك جنوب غربی و نيك ساحل غمیبسنده واقع (جیزه) شهرينك اطرافنده اخشید عسکرلریله بر مدت قتالدن صوکره ۳۵۸ سنه سی شعباننك اواخرنده فاطمی عسکرلری مصره کیردی. فاطمیلر، خطه مصریه ده عظمتلرینی تخلید ایچون قاهره مدینه سنی تأسیس و حکومتلرینی نقلدن صوکره قاهره نی پای تخت اتخاذ ایتدیلر. طبعی او عصرده بر مدینه اسلامیة انشاسنده اك اول یایلاجق بنا بر جامع اولدیغی ایچون بر عظیم جامع تشید و او جامی «ازهر» تسمیه ایلدیلر. او وقتلر دولت فاطمیه نك سلطنت و شوکتی پارلاق اولدیغی ایچون ازهر نك نام و شهرتی آرتدی.

بو جامعك انشاسنه ۴۴ جمادی الاولی ۳۵۹ جمعه ایرته سی کونی، یعنی تقریباً مصره دخوللرندن بر سنه صوکره باشلانیلدی و بناسی ایکی سنه قدر دوام ایتدی. بو جامعده الكاول قیلنان جمعه نمازی ۳۶۱ سنه سی رمضاننده در.

۷۰۲ ده شدتلی بر زلزله ایله جامع ازهر ییقیلدی. او وقت حکمدار اولان مماليك بحریه دن (سلار) نامنده کی حاکم بو جامعك تجدیدینی درعهده ایتدی.

۱۱۶۷ ده مصره حاکم اولان (الامیر عبدالرحمن کتخدان حسن چاویش القازوغلی) جامع مذ کوری توسیع ایتدی. مصر حکومت و ولایتنده بولونانلرک هپسی ده بو جامعك تعمیر و تزیننی خصوصنده همت کوستردی. بو جامعك حده دی داخلنده طایفه مسکن اولمق ایچون هر طائفه یه رواقلر انشا ایتدیلر. الحاله هذه بو کون اشغال ایتدیکی مساحه ارضیه ۳۶۳۳۳ آرشیندر. متروایله (۱۲۰۰۰) مترودر.

طرفندن حلقه تشکیل ایدیلهرک ذکر اولونور. بو آینه حلقه نك خارجنده کی اهالی ده اشتراك ایدر. آیات قرآنیه تلاوتیله دعا ایدیلهرک رسم زیارتیه ختام و یریاير. مسعود

جامع ازهر

ازهر، بلاد اسلامیة جامعلرندن اك زیاده نام و شهرتی حائز بیوك بر جامع و عظیم بر معبد اسلام در. قاهره مدینه سنده مشید جامعك اول و اقدمیدر. علوم و فنونك كافة انواعی تدریس اولنان اك بیوك بر جامعه اسلامیة و بالاصح علوم اسلامیة نك اك مشر بر منبعیدر. اقطار اسلامیة نك هر گوشه سندن طلبة علوم بو منبع مشره کیر. کویا ام اسلامیة ایچون بر کعبه علومدر. مختلف و ظنلردن و متنوع اجناسدن و کره ارضك هر طرفندن بو جامعه کلوب تعارف و اجتماعلری، بو جامعك اسلاملر ایچون ایکنجی بر مجتمع عامی اولدیغی مثبتدر.

ازهرك تشیددی

مشاهر مؤرخین اسلامدن جمال الدین الاتابکی «النجوم الزاهره» نام کتابنده دییورکه: عباسیلرک زمان حکومتنده مصر دیارنده تأسس ایدن اخشیدی دولتک امراسندن (کافور الاخشیدی) نك وفاتی متعاقب مصر امارتنه (احمد بن علی بن الاخشید) امیر اولدی. یاشجه کوچك اولدیغی ایچون عموجه زاده سی (حسین بن عبدالله بن طغج) کندیسنه وصی نصب ایدیلدی. بو وصینك سوء تصرفدن مصرك نظام اداره سنده اختلال ورعیه بیتنده عدم خشنودی حاصل اولدی. عسکرک بر قسمی مغریده کی فاطمیه حکمداری (معز الدین الله) مصرك احوال داخلیه سنی اخبار ایله کلوب استیلا ایتیه سنی طلب و دعوت ایتدیلر. اوده بویله بر فرصتی بکله یور ایدی. در حال بر اردو تشکیل ایدهرک

(ازهرک تسمیه سی)

ازهرک تسمیه سنده مؤرخلرک مختلف بیاناتی وارددر . بعضیلری جامعک اطرافنده ابنیه فاخره وقصور زاهره اولدیغی ایچون « ازهر » تسمیه اولندی دیمشله ، بعضیلری مستقبلده بیوک برشان وشرف قازانماسنی تیناً و تفاؤلاً « ازهر » دینیلدی معلوماتی ویرمشلردره لکن ثقاة مؤرخین، فاطمیلر رسول اکرم صلی الله تعالی علیه و سلم افندیمر حضرتلرینک کریمه سی فاطمة الزهرا رضی الله عنها حضرتلرینه منسوب اولدقلری ایچون جامعی « ازهر » تسمیه ایله حضرت بتولک نام والاسنه اشارت ایتدیلدیورکه بوده حقیقته پک موافق برسوزدر .

جامعه دائر

ازهرک داخلی ایکی قسمدر . بر قسمی، آلتنده نماز قیلینمق ایچون سقفلیدر . دیگر قسمی حولیدرکه اوستی آچیقدر . حولینک اطرافنده (آر و قه) یعنی رواقلر ، درس محللری وارددر .

جامع ازهر ، بیوک بر قیمت معماریه بی حائر وکلدر ، لکن غایت واسع بر مؤسسه اسلامیهدر . ممالک اسلامیتهک هر طرفدن کلنلر ، بوراده علوم وقنون تحصیل ایدرلر .

جامعک مقصوره سی ، یعنی نماز قیلیناجق یریده ایکی قسمدر . بر قسمی بیوک واسکی مقصوره درکه سققی بیاض مرصردن اولوب ۷۶ دیره که استناد ایدر . مؤسسی (قائد جوهر الصقلی) در . ایکنجی قسمی یکی مقصوره درکه بونک سققی ده ینه بیاض مرصردر ۵۰ دیره که اوستنده در . بوایکی مقصوره ده کیلره ملحقات سائرده ده کی دیره کارده ضم ایدیایر سه (۳۷۵) ستونه بالغ اولور . یکی مقصوره ، اسکینندن یاریم آرشین یوکسکدر . هرایکینسک طاوانی تخته دن معمول وصنعتکارانه در .

هواو آیدینلق آلتیق ایچون جابجا پنجره لری وارددر . اسکی مقصوره دن حولی به اوچ دانه قانی آجیلمش ، حولینک زمینته طاش دوشه نمش و دیوارلرینه کوفی خطیله آیات قرآنیه یازیلشدر . جامعک و قتیله اون محرابی وارمش . دردی قالدیر یلمش ، الا آن آلتیسی موجوددر و هر برینک مختلف المذهب آیری آیری امامی وارددر . بو محرابلرک المشهوری بری اسکی ، دیگرری یکی مقصوره ده اولمق اوزره ایکدر . اسکی محرابک امامی شافعی ، یکینسک کی مالکی مذهبدر .

یکی مقصوره ده مبنی منقوش و مزین بر منبر وارددر . جامعک تأسیسنده انشایدیلش اولان منبر ، بالا آخره قاهره ده کی (جامع الحاکم) نقل اولونمشدر . جامعک بش مناره سی وارددر که اوقات خمسده ده بونلرده اذان او قوتور . بو جامعک مؤذنلری - حریم ناسه مطلع اولماق ایچین - اعمالردن تعین ایدیلر .

« دوام ایده جک » ازهر شریفدن

علی زکی

احمدیه مذهبی حقنده :

محفلک ۲۹، ۳۰، ۳۱، ۳۲، ۳۳ و ۳۷ نومرولو نسخه لرنده بحث اولونان بو مذهب سالکترینک مسلمان اولوب اولمادقلری حقنده هند علمایی آراسنده مباحثلر جریان ایدیور، اردو لسانیه منتشر جرائد بوکادائر نشر یاتده بولونویور . علمادین (امام الهند ابوالکلام آزاد صاحب) احمدیلر ایچین « کمره اولمقله برابر دائره اسلامدن خارج دکلردر » دیور . بیونه مدرسه سی علمایی ایسه احمدیلری تکفیر ایدیور .